



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2005. GODINU HRVATSKE STRANKE PRAVA BIH ĐAPIĆ-DR JURIŠIĆ

Broj: 09-07-6-581/06
Sarajevo, 17. april 2007. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije.....	5
Obim kancelarijske revizije	5
4. PRETHODNE REVIZIJE.....	5
5. NALAZI KANCELARIJSKE REVIZIJE I PREPORUKE	5
5.1. NALAZI	5
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja Hrvatske stranke prava BiH Đapić-dr. Jurišić za 2005. godinu

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

1. Na osnovu obavljene kancelarijske revizije godišnjeg finansijskog izvještaja za 2005. godinu utvrđeno je da je Hrvatska stranka prava BiH Đapić-dr. Jurišić prekršila odredbe člana 11. stav 3. Zakona o finansiranju političkih stranaka.
Stranka nije prijavila organizacionu i teritorijalnu strukturu stranke i nije iskazala troškove propagande u skladu sa Pravilnikom o godišnjim finansijskim izvještajima.

Na osnovu našeg pregleda, odnosno revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Hrvatske stranke prava BiH Đapić-dr. Jurišić za 2005. godinu

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska stranka prava BiH Đapić-dr. Jurišić je iskazala prihode u iznosu od 40.716,65 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr. lica	0,00	
6	Prihodi od poklona	0,00	
7	Prihodi iz budžeta	40.716,65	99,99 %
8	Ostali prihodi	5,92	0,01%
	Ukupni prihodi:	40.722,57	100,00%

U godišnjem finansijskom izvještaju Hrvatska stranka prava BiH Đapić-dr. Jurišić je iskazala ukupne rashode u iznosu 34.754,84 KM.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava BiH Đapić-dr. Jurišić. Skraćeni naziv stranke je HSP BiH Đapić - dr. Jurišić.

HSP BiH Đapić - dr. Jurišić je registrovana 05.05.2004. godine kod Kantonalnog Suda Kantona 10 pod brojem R-11/04.

Sjedište političke stranke je u Livnu, ulica Stjepana II Kotromanića br.5.

Za zastupanje stranke ovlaštteni su Zvonko Jurišić, predsjednik, Žarko Pavlović, predsjednik G.S i Ivan Miloloža član G.S.Osoba ovlaštena za podnošenje finansijskih izvještaja za 2005. godinu je Ivan Miloloža.

U godišnjem finansijskom izvještaju HSP BiH Đapić - dr. Jurišić za 2005. godinu je navedeno da politička stranka ima organizacione dijelove nižeg nivoa. Organizaciona struktura nije upisana u finansijskom izvještaju niti izvještaj sadrži podatke po organizacionim dijelovima stranke.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj HSP BiH Đapić - dr. Jurišić za 2005. godinu.

Cilj kancelarijske revizije je da revizor na bazi finansijskog izvještaja pokuša da ustanovi da li je HSP BiH Đapić - dr. Jurišić u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja HSP BiH Đapić - dr. Jurišić obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE REVIZIJE

Do sada nije vršena revizija finansijskih izvještaja HSP BiH Đapić - dr. Jurišić.

5. NALAZI KANCELARIJSKE REVIZIJE I PREPORUKE

5.1. NALAZI

a) Na osnovu obavljene kancelarijske revizije godišnjeg finansijskog izvještaja za 2005. godinu utvrđeno je da je HSP BiH Đapić - dr. Jurišić prekršila odredbe člana 11. stav 3. Zakona o finansiranju političkih stranaka

- U obrascu 1. finansijskog izvještaja je navedeno da stranka ima organizacione dijelove nižeg nivoa, a u izvještaju nisu iskazani podaci o organizacionim dijelovima stranke.
- Stranka nije popunila finansijske izvještaje u skladu sa Pravilnikom o godišnjim finansijskim izvještajima. Na nivou stranke (zbirni obrazac 4) iskazani su troškovi u iznosu od 34.754,84. Isto vreme na pojedinačnim obrascima iskazani su troškovi u ukupnom iznosu 5.684,16 KM.
- Na obrascu 4-2 nema iskazanih troškova propagande, a na zbirnom obrascu 4 troškovi propagande su iskazani u iznosu od 29.070,68 KM, dok
- Stranka u godišnjem finansijskom izvještaju nije iskazala troškove zakupnine poslovnog prostora što stvara indicije da politička stranka, obzirom da nije dostavila podatke da posjeduje vlastite prostore, koristi tuđi prostor za koji ne plaća zakupninu, a da pri tome nije prijavila prilog političkoj stranci.¹

¹ Prema odredbama člana 4. stav 2. Zakona o finansiranju političkih stranaka („Službeni glasnik BiH“ broj 22/00), pravno ili fizičko lice koje političkoj stranci pruža uslugu mora stranci ispostaviti račun, bez obzira na to ko snosi plaćanje usluge, odnosno, bez obzira da li je usluga pružena bez naknade. U skladu sa članom 6. istog zakona, ako ukupni iznos priloga jednog lica premašuje 100,00 KM, prilog se mora unijeti u finansijski izvještaj stranke.

5.2. P R E P O R U K E :

Na osnovu uočenih nedostataka Hrvatskoj stranci prava BiH Đapić-dr. Jurišić se preporučuje:

- *Stranka mora podnositi finansijske izvještaje u skladu sa članom 11. stav 3. Zakona o finansiranju političkih stranaka:*
 - *finansijski izvještaj treba biti sačinjen u formi propisanoj Pravilnikom o godišnjim finansijskim izvještajima političkih stranaka i sadržavati podatke propisane tim pravilnikom*

Hasida Gušić, šef Službe za reviziju - revizor